

5
7.50
7.16
BS

D. D.
DISSERTATIO MEDICO-BOTANICA,
SISTENS
**SPECIFICA
CANADENSIA,**

QVAE,
CONSENSU AMPLISS. FACULT. MEDICAE
IN REGIA ACADEMIA UPSALIENSI

PRAESIDE

VIRO NOBILISS. ATQUE EXPERIENTISS.

DN. D. CAROLO LINNAEO,

S:AE R:AE MAJ:TIS ARCHIATRO
MED. ET BOTAN. PROF. REG. ET ORD. ACAD. IMP. N. C.
PETROPOL. LOND. MONSPEL. BEROLIN. TOLOS. FLO-
RENT. STOCKH. ET UPS. MEMBRO

NEC NON

EQUITATE AURATO DE STELLA POLARI
PUBLICO EXAMINI SUBMITTIT

JOHANNES VON COELLN


VESTRO-GOTHUS

R. A. S. ADSCRIPTUS

IN AUDITORIO CAROLINO MAJORI D. *xix. Janii.*
ANNI MDCCLVI.

H. A. M. S.

SCARAE,



MONSEIGNEUR
LE BARON FREDRIC
DE
FRISENDORFF,

*Gouverneur de la Province de Vestmanland
et Commendeur de l' Ordre Royal de
l' etoile du Nord,*

MONSEIGNEUR,

Si je me représentois en Vous, MONSEIGNEUR, l'elevation du Rang préférablement à la grandeur de Vôtre ame, ce seroit ici

une vraie temerité que de Vous écrire, quelque
plausible qu'en fût le sujet; mais sachant qu'il
n'y a rien de plus naturel aux coeurs genereux,
comme le Vôtre, que de condescendre aux be-
soins d'autrui; j'ose me flatter en Vous du lustre
que demande ce petit ouvrage & de la grace,
avec laquelle Vous m'avez autrefois enhardi, de
me présenter devant Vous, & d'où j'ai à me dire
avec une très profonde Veneration

MONSEIGNEUR

Vôtre très humble & très obéissant
devoüe serviteur
JEAN de COELLN.

ouplur. sätter äro V. ob äsp skriven pister em
H. nu skriven ära rörelser al. att nu är äldstens
zwecken ära rörelser äro äre körn a y. a
couche i. V. och äre couche i. V.
Rätt så! min Bror, lät se Du visar,
At dygd bor i en uplyst själ:
Din Morfars mandom Du då prisar,
När Du Din sak försvarar väl.
Skiönt Du med Hielm och Skiöld ej står,
Som han, och hurtigt bälte spänner
Med Rysz, Cossak och Bardags männer;
Dock vet jag, hvad jag om Dig spår.

Du fruktar Dig ej för de pilar,
Som flyga ifrån Baldurs slätt.
Mig tycks se Pallas hur Hon ilar,
At gifva Dig Din heders-lått:
En lön, som hon, för trägen id,
Åt sina vänner plägar dela.
GUD lätte föllhet Dig ej fela,
Men följa Dig i all Din tid!!!

H. M.



I. N. J.

Caput I.

§. I.

Quemadmodum vita est omnium possessionum humanarum longe carissima, omnique opum vi facile major censenda; ita illa quoque scientia, quae vitae excubias agit est omnino, saltem esse deberet, reliquis eo potiori jure anteferenda, quo verius olim dixerit insuper Plinius *quod Medicina etiam Imperantibus imperet.*

Hinc divinum Machaonium munus, maximi habitum est inde ab antiquissimis retro seculis, interque gentes sapientissimas summo studio, curaque summa, exercitum, immo hoc quoque sollicitius cultum frequentatumque, quo intimius ipsi necessitati mortalium innitatur, & sola duntaxat indigentia, casuque saepius fortuito, patescat atque miseriae nostrae opitulando sibi constet.

Quamprimum enim homines, pro solenni more suo, morborum violentia in discrimen vitae sese adductos videbunt, certe nihil non moliti, innumera pro recuperanda salute tentarunt remedia, & licet per plurimis ceciderint

A

expe-

experimentis, saltem aliqua eorum successu suo non caruerent; Quibus cognitis, rata tenuerunt, illaque aliis, cum iisdem morbis conflictantibus in consilium dederunt; unde Graecis quondam in religione fuit, praesidia, quibus perclitanti sanitati feliciter opem tulerant, tabulis inscribere, easque in templo *Aesculapii* suspensas servare. Quid? quod nulli genti insolens, immo vero rusticolis usque adeo familiaris fuit ejusmodi medicina, ut medicamenta ista et euporistica, tanquam cimelia pretiosissima, inter bona haereditaria coeperint numerari, et veluti res, a parentibus liberis legandae, reputari, auro gemmisque facile aequipollentes. Sic empirica haec medendi ratio reliquae medicinae viam stravit.

§. 2.

Hi vero, qui talium medicaminum aliquali penitus gaudebant, postmodum Medici salutari sverunt, quorum quidem opera primum in eo fuit occupata, ut pharmaca sua in classes rite dispescerent, artemque in formam scientiae quodammodo redigerent, quamobrem observationes ex dissectione demortuorum petitas instituendo, *Anatomem*, invexerunt. Tum corporum vivorum functiones examinando, *Physiologiae* natales dederunt; animumque ad harum functionum vicissitudinem advertentes, earundem signa diagnostica computando, *Semeioticam* prodiderunt; Ad haec naturae vestigia prementes, rerumque naturalium qualitates et vires indagando, *Scientiam Naturae* condiderunt et *Materiam Medicum* digesserunt; denique probando corpora per ignem & menstrua, *Chemiam* stiterunt; tandemque illorum mixtura & praeparatione *Pharmaciam* exaedificarunt; quibus omnibus, multaque alia industria factum est, ut provincia Medicorum, e tenellis initiis orta, diuque arctissimis circumscripta limitibus, mirifice dilatari atque nobilitari cooperit.

§. 3.

§. 3.

Postquam Medici tantum studii & indefessi laboris in rem suam contulere, committere noluerunt, ut principia desiderarentur, quibus scientia, quo fieri posset, facillime addisceretur, penitiorque cognitio, veluti per compendia, Podalirii filiis continget; itaque fuere, qui et huic negotio navarunt operam, *Dogmaticorum* nomine insigniti. Verum enim vero, quum nimia laterent sensibus humanis, suppetiae eorum non tam inutiles, quam incertae dubisque gravioribus obnoxiae, visae sunt, unde Sectae perplurimae propullularunt, quarum quibusdam asseclis persuasum fuit *Laxum* & *Strictum*; aliis *Acidum* & *Alcalis*; aliis vero *Bilem* & *Pituitam*; nonnullis autem *Signaturam externam*; nae aliis alia, prima & decretoria principia fore; nulla vero nec temere laudanda, neque acriter vituperanda.

§. 4.

Fuerunt interea tantum non omnes, qui Medicinam Empiricam amplexantes experti sunt, haud raro evenire, ut idem Medicamentum in uno eodemque morbo non omne punctum ferre valeret, quamobrem, ignoratis adhuc plerisque morborum speciebus, singula illa Medimenta combinare coeperunt, quae in parili morborum genere, antea salutaria esse noverant, videlicet rati: ubi unum dato casui non sufficeret, saltim alterum successu non casum esse futurum; sed opinamur, compositionem ejusmodi Medicamentorum tantum inverti, & a natura sua simplici alienari, quantum gustui aut odori discriminis praeberet forma eorundem mixta. Fuit hoc tum error popularis, et est etiamnum insignis, quantum eicunque se se demum opposuerint Medici præstantissimi, nec brevi forsan continget, ut radicitus extirpetur.

§. 5.

Neque vero defuere Medici, qui a Symptomatibus

ad Therapiam morborum concludentes, fere in hunc modum argumentati sunt; ut quemadmodum nullus effectus morbi daretur sine ratione sufficienti vel caussa sua, ita fieri nequiret, quin tantum ipsi caussae decederet, quantum symptomati cuique compescendo operae adferret Medicus; itaque, quo quis majorem Symptomatum exercitum profligare valeret, hoc is quoque callentior existimaretur; & est haec, qua maximam partem, facies hodiernae Medicinae nostrae tantopere florescentis. Verum tamen, si rem proprius intueamur, invenerimus facile Medicinam isthanc, saepius palliativam esse, & non raro neutiquam genuinam. Sic e. g. si quis Febrem intermittentem adoriretur, medicamento adversus hunc morbum specifico plane destitutus, & sub ipso frigore cordalia subministraret ad sublevandas vires vitales; acida vero et refrigerantia sub calore, ad arcendam diathesin phlogisticaam; & paregorica denique sub ipso sudore propinaret medicamina, annon ille fideliter peccasse diceretur? Sic is quoque crimine difficulter liberaretur, qui in Dysenteria uteatur opio ad tollendos spasmos, dein obstipantibus remediis ad fistendam evacuationem, vel consolidantibus ad exulcerationes internas resfariendas; & haec de aliis sumilibus dicta sunt.

§. 6.

Sed Empirica Medicina, quam Medici antiquiores, per eruditum fastum, usque adeo contemnebant, ut Empiricum & Agyrtam pari lapillo notarent, simpliciori methodo contenta, in febri intermittente praescriberet corticem amarissimum Chiae, utpote totam istam rem certo certius conjecturum, ac in dysenteria rhabarbarum rotunde ordinaret, licet non nosset rhabarbarum hoc officio fungi: aut evacuando caussam morbificam; aut etjam acaros occidendo, uti in scabie; aut amaritie acidum frangendo; aut deni-

denique praeſervando a putredine amaritie ſua, ſimili-
busque.

§. 7.

Tandem convenit inter Medicos hodiernos, quod, quo propius Medicina acceſſerit ad nativam ſimplicitatem, eo altius illa evecta putetur; nam in id conſenſerunt dudum Viri maximi nominis, ut ars falutaris, haud aliter ac Phyſicorum ſcientia crevit, comite experientia, ſola rerum magiſtra, mactetur. Scilicet intellexerunt Medicorum acutiffimi, quam parum in uſu communes contulerint caſus medicinales practici, e libris Doctorum depromti; ne dicam quam abnormes fuerint quorundam magifello-rum formeſ ſequipedales, ut eorum argumentationes taceam, qui, per indicationes nimis videndo, nova in-dies excogitarunt medicamenta; hi, inquam, quam mo-leſte ſeduli exſtiterint, neminem Medicorum fugere potest, qui ingentem medicaminum molem, Pharmacopoliis noſtris illatam, oculo, quod ajunt, fugitivo ſolummodo in-troſpexerit.

Reſtat igitur nobis, quos copia inopes fecit, ut rem quaſi de novo ordiamur, & medicamenta ſaepe a genti-bus, alias rudifſimiſ, petamus, quorum tamen intelli-gentia, quod, nescio an ſat cuſtodie dixerim, vel in eo totam eruditionem noſtram vincit, quod non ſolum me-dicina ſimpliciſſima contenti fuerint, ſed eas etiam mede-lias per multas generationes ſartas teſtasque fervarint, quas labaceſti valetudini admoverunt, uſuque felici compro-barunt; incertas vero contemperint, aut etiam oblivioni tradiderint.

§. 8.

Ceterum, quae vulgo per Europam frequentari ſo-let ſimplicior Medicina, diligentia Medicorum fere omni-bus dudum innotuit; inprimis autem Botanicis adcuran-

ribus, factum est, ut, dum ad singulas cujusque Provinciae plantas usus earum apud incolas regionis receptos notarunt, nos jani fere nihil lateat; quamobrem sicubi incrementa hujus medicinae ampliora exspectentur, e re omnino erit, extra Europam tendere, immo ferissimas adire gentes, ut, quod illis proficuum vel salutare judicatur, sedulo cognoscamus, nimirum hac ratione medicinam olim suminopere locupletatam esse constat. Nam postquam Scientia Naturae, cum incredibili emolumen-to suo, in *America septentrionali* adamari coepit, naturae mystae ibidem commorantes, otio suo non indignum judicarunt studium conquirendi vires et usus variarum herbarum, etjam ab Americanis barbaris receptarum; gratulabundi accepimus bene multa, illaque incompara-bilia medicamenta, quae bono publico partim dicarunt Viri Clarissimi *Coldenus & Kalmius*, partimque *Bartramus*.

§. 9.

Est hic BARTRAMUS colonus Pensylvaniae, Philadelphiae accola, Botanices cultor indefessus, qui varias plantas pulcherrimas non solum detexit, sed eas etjam ad *Coldenum*, *Collinsonium* & *Gronovium*, aliosque transmisit, & praeterea seminum plantarum Americae septentriona-lis annua collectione Angliae hortos ditavit. Ille nuper nobis dedit observationes nonnullas circa virtutem quo-rundan ~~botavar~~ Americae septentrionalis, anglice confi-gnatas sub titulo *Bartram's Appendix containing descriptions, Virtues, and uses, of sundry Plants of these Northern Parts of America; and particularly of the newly discovered Indian Cure for the veneral Disease*. At vero, quum hoc Meletema, paginis tantummodo 7. in 8:vo inclusum, cuivis Medico forte non obvium sit, & idiomate peregrino conscriptum, inoffense forsitan non legatur; me operam Lectori haud injucundam navasse crediderim, si idem illud Romana
veste

veste indutum, publicae luci dederat, pariterque nonnullarum aliarum vires plantarum, recens in America septentrionali detectarum, adjunxero.

Caput II.

BARTRAMI APPENDIX.

„Continens descriptiones, vires & usus variarum Ameri-
cae septentrionalis plantarum, in primis autem Indorum ther-
apiam Luis Venereae, nuper detectam, sistens.

1. ARALIA (*racemosa*), aliis Spikenard, aliis vero Liquiritia pratinensis appellata, racemos baccarum fert grandes, mense septembribus maturescentes, esu dulces & persalubres victu. Radix balsamica indole sua commendatur, et ab incolis ad sananda ulcera recentia applicatur, scilicet, coquunt illam, sensim affundendo aquam fontanam, cujus massa fit Extractum quoddam mucilaginosum, usibus eorum feliciter inserviens. Praeterea radice masticata, succus deglutitus dolores lumborum tollere dicitur. *vid. N. 24.*

2. ARALIA (*nudicaulis*) vulgo Sarsaparilla nuncupata, radicem longam habet repente, hispanicae haud absimilem, etiamsi planta est ab illa diversa, insignisque usus. Hujus enim decoctum pro potu ordinario quotidie propinatum, ad depurandum sanguinem, & hydrozem medendum, praecipuae virtutis est & efficacie, laudaturque usus ejus externus in curanda erysipelate, itemque in sanandis ulceribus perplurimis. *vid. N. 23.*

3. ERIGERON a nonnullis contra morsus serpentum usitata est planta. Efflorescit tempore verno ad instar Bellidis, altitudinem pedis circiter attingens. Radix sub ipsa superficie terrae serpit, tenuibus fibris seu filamentis interstincta; estque gustu calida. Indi radicem hanc

hanc incisam, contusam, tumoribus duris frigidis dissolvendis admovent. (*An Erigeron Philadelphicum?*)

4. SAURURUS (*cermus*), apud Germanos nonnullos nomine Aristolochiae venit, vel ideo forte, quod figura foliorum utriusque consimilis videatur. Locus ejus natalis est humidus, & spicam longam gerit floris albi. Radix spongiosa, instar junci, in superficie terrae subsistit. Haec, si in modum cataplasmatis bubonibus mammarum applicatur, vim suam maturandi & sanandi mirifice probabit. Folia ejus siccata & in infuso assumta, in doloribus pectoris & dorsi valde proficua erunt. *Radices molliunt, digerunt, maturant, discutunt; paregoricae sunt.*
Clayl. virg. 153.

5. COLLINSONIA (*canadensis*), Planta est quinque pedes alta, quae quum decidere cooperit, aut post messem, odorem spargit a fragrantia lupuli non multum alienum. Semina *Salviae* (fagesead) perquam similia habet. Adpellatur praeterea a quibusdam incolis *Horseweed*, vel ideo forte, quod equi illa avide vescantur, vel etiam, quod ulcera dorsi excoriati probe medeatur. Radix solida est & nodosa multumque commendatur in secundinis retentis, si incisa coquatur decoctumque bibatur. *vid. N. 22.*

6. *Chelidonium* f. SANGVINARIA (*canadensis*) ab Indigenis *Reedroot*, seu *Turnerick* vocatur. Folia contusa succum praebent flavum instar *Chelidonii majoris*. Flores albi primo vere germinant. Radix siccata & in pulverem redacta in Ictero commendatur a Domino Coldeno. Dosis erit ʒj in cerevisia secunda. Alias etiam adversus morsum *Crotalophori* adhibetur.

7. *Virga aurea* seu species illa *virgae aureae* (Golden-Rod) in morsibus *Colubri* tantopere celebrata, est species elegantissima, habetque caulem tenuem, purpureum, pedem unum altum, spica floribus flavissimis, tertiam circiter

... 3 (9) 3

circiter plantae altitudinis partem aequantibus ornata. Hi flores ex alis foliorum excrescunt, numero tres vel quatuor, in formam parvarum cristarum abeuntes. Laudatur haec ipsa tanquam efficacissima in morsibus Crotalophori; nempe herba infusa ejusque decocto hausto, ipsaque planta calida vulneri admota. Adhibetur quoque cum emolumento in intumescientia colli & cervicis, itemque in doloribus pectoris, ob virtutem suam humores viscidos potenter solvendi. (*An SOLIDAGO altissima, seu Virga aurea americana hirsuta, radice odorata Dill. elth. 410. t. 304. f. 391.?*)

8. *Facea (SERRATULA spicata)*, a nonnullis Throat-Wort, ob vires medendi collum exulceratum, adpellata. Radix crassitatem habet nucis Heccory tenuibus quibusdam filamentis intertextam. Caulis quatuor aut quinque pedes altus est, absque ulla ramis; foliis vero longis, arctis, alternatim ex ipso trunco progerminantibus. Flores versus apicem prominent, longa purpurea spica caulem circumdantes. Radix contusa et infusa decoctum praebet, vi sua calida discutiente cum emolumento in laesionibus colli laudandum, vel forma gargarismatis, vel etiam epithematis collo superinducatur.

9. *UVULARIA (perfoliata)* pro specie quadam Silli Salomonis pridem venditata, forte ob planorum foliorum mutuam similitudinem; sed caulis folia perforat, floresque pauciores flavescentes lilium quadantenus referre videntur. Pedem circiter unum alta est. Radix alba est, seseque in formam pedis corvi explicat, quamobrem etiam eodem nomine apud quosdam venire solet. Praestans est Radix, forma cataplasmati, ad maturanda aperiendaque apostemata, praescripta. *vide N. 26.*

10. *TRIOSTEUM (perfoliatum)* in coloniis nostris septentrionalibus herba Doctoris Tinkeri; in Pensylvania

vero *Gentiana*, et regionibus australibus, ubi in febribus acutis et intermittentibus usurpatur, *radix febrilis* vocari solet. Nobis autem in pleuritide commendanda; sed apud incolas novae Angliae pro emetico adhibetur, operatur potenter, ideoque robustioribus, uti rusticis fortasse, prescribenda; tametsi nobile medicamen poterit esse, si ab artifice scienter commodatum fuerit etiam aliis. *Radicis pulvis*, dosi medicari exhibitus, adversus febres omnes intermitentes, tutum, certum & minime fallax remedium. Clayt. virg. 142.

II. *Blazing-star*, (*ALETRIS farinosa*) uti ab incolis inferioribus nominatur, ab aliis vero *morsus Diaboli* (Devil'sbit) utrinque facta denominatione. Folia quatuor supra ipsa cespite expansa surgunt e radice qualibet tres aut quatuor pollices (inches) longa & circiter unum lata. Mense Junii caulem exserit octo pollices altum cum spica floribus decorata sex pollices longa. Ubi est preventus ejus in partibus regionis nostrae inferioribus, e solo pingui & sicciori scatens. Radix alba est crassitie fere fistulae fumatoria, gustusque amarissimi. Pretiosa haec radix venenosae fermentationi mirifice resistit, tormentaque illorum sedat, si pulvis ejus sumatur; vel etiam si ipsa radix contusa & spiritu vini (Rum) saturata propinatur. Dosis erit cochlear unum, quavis vice, donec dolores remiserint. *Radix antifebrilis* & leniter cathartica morsumque *Caudisonae* sanat. Clayt. virg. 151.

12. *Star-grass* (*HELONIAS bullata*) non multum a supra dicta abludere videtur, sed folia gestat arctiora, acutioraque et hieme praecipue magis flava. Locus natalis est humidus, et inter vaccinia (Hurtle berries), crescitque abundantanter in Jersey, & in quibusdam Pensylvaniae ac Marylandiae locis depressioribus. Decoctum ex radice paratum alvi tormina levare fertur.

13. LIRIODENDRUM (*Tulipifera*) communiter *Populus* dicitur. Hujus corticis Tinctura s. Essentia interne commendatur in febri ardenti, itemque in intermittenti. Inter boreales incolas vero celebratur ob usum in podagra & rheumatismo.

14. *Apocynum* (*ASCLEPIAS tuberosa*) e radice, quae altas radices agere solet, exsurgunt variae caules pilosi, circiter duos pedes alti, foliis arctis longis circumdati; In summitate eorum crescunt cristae latiores, floribus Aurantiorum colore nitentes, quibus succedunt siliquae longae seminibus planiuseulis refertae; semina dum maturuerint, cumque siliquae dehiscere cooperint, Pappo coronata, ventoque afflata, avolant. Est autem haec planta insignis in fistendis haemorrhagiis. Radix in pulvarem redacta propinetur in cochleari uno spiritus Saccharini; vel potius, uti Indi illa utuntur; Radix incisa contusa coquatur in aqua & hauriatur decoctum. *Petrus Kalnius* illam perutilem in passione hysterica praedicat.

15. ORCHIS radicem habet cepae magnitudini aequalem, uno vel binis foliis stipitata, per totam hyemem virescentibus, sex vel septem pollices longis, duosque lati, lineolis albis ab una ad alteram extremitatem striatis. Haec radix contusa & auribus admota otalgiam compescit & ad apostemata aperienda mirifice confert. (*An Arethusæ bulbosa?*)

16. SAROTHRA (*Gentionoides*) vulgo Ground-pine, Cupressus sylvestris vocatur. Crescit ut plurimum ad altitudinem palmi. Hujus tenues ramuli undique sparguntur ex unica parvula radice fibrosa prodeentes, haud aliter ac nostrates (Penny-Royal), sed tenues sunt instar filii vel foliorum pinii, unde etjam nomen sortita est haec ipsa planta. Minuti flores ejus flavi sunt, abeuntque in parvas siliquas rubras summitatibus ramulorum inhaerentes.

tes. Odor ejus graveolens est, uti folia pini olere solent. Locus natalis est solum vetustum argillaceum macrum. Excellenti virtute praedita est haec herba in unguentum redacta cum *Penny Royal*, *Hemlock*, & *Henbane*, vel etiam sola in contusionibus & contracturis, praesertim si adhuc viridis applicatur; Virium enim suarum magnam jacturam facit quamprimum flaccescere cooperit, vel penitus emarcuerit.

17. *Elychrysum* (**GNAPHALIUM** *margaritaceum*) item Cotton-Weed aut *Sempervivum*. Frequentatur in balneis & fovendis tumoribus frigidis, contusionibus & contracturis; misceri quoque *Sarothra* assolet.

18. **LOBELIA** (*siphilitica*) memorabilis haec planta e radice fibrosa ascendit ad altitudinem trium vel quatuor pedum, cum spica longitudinis fere pedis unius, floribus caeruleis, caulem undiquaque cingentibus, vestita. Crescit in locis pinguibus & umbrosis. Praeterea rarer est planta in multis partibus regionis. Doctissimus Petrus *Kalmius* (qui de hac Planta informatus est a Chiliaracha *Jonsson*, hic vero ab Indis, larga praeiorum messe, ad revelandum secretum affectis, condocefactus) auctor est, radicem hujus herbae multo perfectius commodiusque mederi Siphilitidem, quam vel ulla praeparata mercurialia. Quamobrem etiam Indiani in universum omnes Canadenses hac ipsa radice utuntur non solum pro se ipsis, sed etiam pro Gallis, inter eos mercantibus, quantumcumque demum lue fuerint infecti. Recipiunt radicis Mp. I. coquunt in aquae $\frac{1}{2}$ jj, decoctumque bibunt, incipiendo a $\frac{1}{2}$ si aeger tenuioris fuerit constitutionis; hinc dosin augent quotidie, usque quo aegrotus vim decocti laxantem ferre poterit, siue acciderit, ut purgationi succumbat, ab usu decocti desistunt per unum vel alterum diem, tum redintegrant potionem, pro re nata, & prout tempus id popo-

poposcerit, donec aegrotus tandem reconvaluerit. Quae dum aguntur, ipso decocto lavant ulcera, si qua fuerint; sed, si profunda & putrida deprehenduntur, conspergunt eadem pulvere interioris corticis *Ceanoti americanii* (Spruce-tree) quo citius exsiccentur; at, si malum fuerit inveteratum, sumunt decoctum *Ranunculi abortivi*. Veteranus quidam *Sachem* certiorem fecit Chiliarcham Johnson etjam de alio quodam vegetabili, radice rubra, ramis variis tenuibus octo pollices, l. duos pedes longis, spica florium alborum, in siliquas seminum nigras, quadratas abit. Hujus folia nostratium nonnulli, inquit *Sachem*, in infuso bibunt, nonnulli autem tabaco mixta fumant; hujusque radicis decoctum *Lobeliae* anteponendum esse contendit idem ille. Interim tamen certum est, *Lobeliam* potissimum frequentari, eamque porro ita felici successu suo probatam esse, quam quae maxime.

Sequitur specialius quoddam regimen, observandum circa usum *Lobeliae*, in Siphilitide, Chiliarchae Johnson ab Indis communicatum.

„Decocti *Lobeliae* aegroto propinantrur circiter (gills „ij) quoquis mane, ventre vacuo, ante prandium, ut et „vespertino tempore cubitum eundi, dosi aucta vel im- „minuta pro ratione virium aegrotantis. Die tertio bal- „nea instituenda sunt, bis in die repetenda, usque dum „ulcera probe depurata fuerint, et quadantenus sanata, „tum lotio ista suscipi potest semel tantummodo in die, „donec symptomata penitus exfulent. Praeterea victus „semper debet esse tenuis e vegetabilibus, potusque tenu- „issimus, uti fere in quovis alio aegrorum regimine, ex- „cepto Ptyalismo. Sunt hae observationes s. cautelae mi- „hi ab eodem ipso communicatae, qui mihi totam hanc „reconditam rem adaperuit. vid. N. 38.

19. VERONICA (*virginiana*) e radice fibrofa pro-
ducit,

ducit duos vel tres caules, a tribus ad quinque pedes altos, foliis tribus vel quatuor in uno articulo verticillatim coëuntibus stipatos; in apice eiusque caulis spica longa florum alborum eminente. Hujus radicis Mp. I. coctus in lactis ~~et~~ (Pinte I.) illaque potata pro valido Emetico ab incolis inferioribus habetur.

20. EUPATORIUM (*perfoliatum*). Locus natalis est solum humidum. Caulis ipsa folia, quae scabra sunt et acuta, permeat, et altitudinem fere duorum l. trium pedum attingit, seseque versus summiteam in ramos explicat, prolixum fasciculum florum alborum progignens, quibus succedunt semina papposa a ventis dispergenda. Haec herba cocta in aqua, ejusque decoctum haustum, pro Emetico in febribus intermittentibus commendatur, usque celebris est in fovendis membris dolore correptis.

Caput III.

COLDÉN (*convallader*) Vir magnae auctoritatis apud Noveboracenses Americae septentrionalis, *plantas Coldinghamias in provincia Noveboracensi Americes sponte crescentes descriptis in Act. Ups. 1743, 1744;* quarum nonnullae mihi videntur esse memoratu dignae respectu earum virtutis therapeuticae.

21. VERONICA (*virginica*) 3. Decocto radicum hujus plantae frequentius utuntur Americani ad purgandam alvum.

22. COLLINSONIA (*canadensis*) 8. Radix ad doles post partum valere dicitur, quod in antecedentibus apud Bartramum confirmatur. vid. N. 5.

23. ARALIA (*nudicaulis*) 66. Radix odore et gustu balsamico ab incolis frequenter usurpatur pro Sarsaparilla, & in omnibus, quibus vulgo Sarsaparilla usurpatur, effica-

efficacior est, (ut saepius expertus sum) morbis. **Corti-**
cem radicis contusum indigenae vulneribus adplicant.
vid. N. 2.

24. ARALIA (*racemosa*) 67. Radix tuberosa, cras-
fa succo lacteo, balsamica grato odore; in morbis stoma-
chi et pectoris potissimum a nostratis usurpatum. *vid.*
N. 1.

25. ARALIA (*spinosa*) 68. Cortex hujus gustu fer-
vidus est, et decoctum ejus ab Indis ad hydropem & mor-
bos Rheumaticos usū venit, et eorum exemplo ab inco-
lis; Est insigne sudoriferum.

26. UVULARIA (*perfoliata*) 74. Radix cum aqua
contusa et ad vulnus morsus Crotalophori adplicata, in
usu est apud nostrates. *vid. N. 9.*

27. VERATRUM (*luteum*) 80. Radix in usu est
apud nostrates ad colicam.

28. RUMEX (*britannica*) 83. Haec planta est se-
cretum magnum nostris indigenis, ad ulcera phagedaenica,
ad quod Christianis revelandum quocunq; pretio allici
non potuerint; sed felici casu detectum. Ego etjam vidi *ulcus*
palati phagedaenicum, in quo os palati peregrin erat cum suc-
cessu inopinato curatuni, lavando solummodo ulcus decocto
radicis & haustu ejus quotidie exhibito.-

29. ACTAEA (*racemosa*) 125. Dixit mihi Practicus
Medicus se saepius uti hujus radicibus ad dissolvendos tu-
mores scirrhosos forma cataplasmatis applicatis. Quidam
vicinus tinturam radicis hujus (pro radice Araliae, fo-
liis cordatis errore assumtae) exhibuit famulo suo, que-
renti de languore et lassitudine spontanea; agitatus erat
praeterea aegritudine maxima cum sudoribus frigidis, ta-
men valetudinem pristinam statim recuperavit.

30. GERANIUM (*Noveboracense*) 161. Decoctum
radicis hujus plantae ad dysenteriam nostratis in usu est.

31. EUPATORIUM (*purpureum*) 30. Audivi indigenas uti decocto radicum hujus plantae in curanda lue venerea.

32. ANTHEMIS (*noveboracensis*) (an *Anthemis cotulae?*) 199. Herba hac nostrates feliciter utuntur in catalplasmate vel suffimento ad discutierendas contusiones et suffusiones.

33. MYRICA (*asplenifolia*) 224. Indigenas uti radice hujus Plantae in ore masticata ad fistendum sanguinis fluxum in vulneribus recentibus, mihi narratum est,

Caput IV.

Ex his tantum non omnes in America percelebrari coeperunt, tanquam specificae adversus varios morbos.

34. SPIGELIA (*anthelmintica*) Auctore Brounio, de cantatissimum exstitit medicamen contra vermes, scilicet infusum herbae propinatum Cyathis duobus quavis 3:ā hora, et deinde Cyathus unus pro dosi. Hanc medicinam nuper Holmiae verminantibus pueris felici cum successu praescripsit experient. D. D. Bergius.

35. SPIRAEA (*trifoliata*) Radieis in pulverem redacti scrupuli duo blande per vomitum expurgant. Clayt. virg. 163; et aequa tuto operantur ac unquam Ipecacuanha.

36. PHYTOLACCA (*americana*) cuius vires innotuere inde ab Italia universae Europae usque ad nostras terras, tanquam facile unicum adhucdum cognitum medicamentum efficax in cancro, si succus ejus expressus instilletur ulceri cancroso; id, quod crebris experimentis notum est testatumque. Monendum tamen est, quod si succus vernus expressus fuerit, frustra adplicatur: mitis enim tum est omnisque acrimoniae expers, adeo ut teste Celeb.

Celeb. Kalmio ab Americanis tum temporis inter olera recipiatur et assumatur; Quod tamen absque discrimine vitae non ausint incolae, postquam rite adoleverit; quam obrem etiam providendum est, si succus vernus necesse habebitur, ut potius ab radice, quam ab herba exprimatur, vid. Kalm. *relat.* 95.

37. POLYGALA (*Senega*) est illa **radix**, qua feri Americani veluti arcano se suosque curant a morsu Cro-talophori, si alia bene non successerint. Hanc etiam postmodum *Tennentius* insigni cum emolumento in febribus inflammatoriis applicavit, quapropter lauto praemio a Parlamento Pensylvaniae maestatus est, quippe, qui vix jactura 3 a 4, centum servavit a pleuritide; dum alias 50 ex 100 decesserint, usum hujus radicis negligentes. Fuisus de his egit Medicus Regius Celeberr. Dn. Kiernander in diss. sua de Radice Senega, in amoenit. Acad. Ups. quam adeas, Vol. II. p. 126.

Caput V.

KALMIUS (*Petrus*) Celebris Professor Aboënsium, qui A:o 1747 iter fecit in Americam septent. satis sibi non duxit, explorare latebras naturae ejusque dotes pandere, floramque Americanam incomparabili au&tudinare; sed in eo juxta occupatus fuit, ut, quoad fieri potuit exploratis herbarum viribus, rei Oeconomicae itemque Medicæ consultum esset.

38. LOBELIA (*siphilitica*) ejusque efficacia in lue venerea extirpanda ab eo graphice descripta legitur in Act. Acad. Scient. Holmens. in hunc modum:

„Lobelia, ut efficax remedium contra luem venereum a Petro Kalmio descripta.

Fera gens americanorum borealium jam diu experta est luem venereum apud se identidem grassantem,

parum certa, utrum ab Europaeis id mali in se translatum, an etjam supra eorum adventum inveteratum sit. Quicquid interea id rei sit, tamen certior factus sum a fero quodam et immanisveto horum hominum viro, Luem hanc, multo ante, civitates eorum foedasse, quam Europaei adventarant, quippe qua juvenes eorum bellatum euntes contra Americanos australiores, utpote qua latius serperat malum, hoc morbo infecti rediere. Unde jam hinc multo ingravescere coepit.

Interim tamen observare convenit, quod, quemadmodum Incolae horum locorum subito hac peste corripiantur, ita illam quoque exemplo profligare possunt; Immo vero, si usque adeo praevaluisset morbus, ut aegrotus inde velut semiputris foetorem spargeret, qui alias longe arceret; tamen brevi sanaretur eo successu, ut nunquam in morbum recideret, nisi voluntario ausu eundem sibi denuo contraxerit. Et hanc quidem medendi rationem ineunt medicamentorum mercurialium ignari, eundemque hunc morbum facillimum curatu reputant.

Quum superiori anno in Canadam perveneram, ferre nemo, qui feros Americanos adierat, non celebrabat eorum solertiam hunc morbum meris herbis propulsandi, sed querebatur curiosissimus quisque, quam difficiles sint incolae in communicanda sua medendi ratione; quippe quae arcana studiose servatur, dum credunt remedia sua perdere virtutem viresque, si forte Europaeis innotuerint, seseque deinceps spe cadere ulterioris usus.

Fuere Galli haud pauci, qui auro aliisque incitamentis fategerunt feros flectere ad aperiendam sibi hanc medendi rationem, sed irrito conatu; quin immo misera experientia didicerunt hac lue foedati, demum reconvalescere ope et liberalitate humanissima terorum horum hominum.

Dum proxima aestate Chiliarcham W. Johnson adi-

re

re mihi licebat, varios de variis horum hominum et locorum rebus sermones sciscitando ferebam. Habitat idem ille medius inter hos feros, quas nullis non officiis sibi devincire studuit, unde illum quoque veluti patrem suum, ad sustentationem eorum mirifice conferentem, adamant; immo familiae incolarum perplurimae, quippe dum norint se benigne ab eo exceptum iri, omni re necessaria sibi gratis provisum, veluti agmine, ad eum duntaxat videndum, ex dissitis terris confluunt, dum ille in lucro ponit usus eorum ultro deservire. Praeterea, quod part cum honore de eo etiam dicendum erit, scientias maxi- mi facit, eisque amplificandis ornandisque omni nisu invigilat. Hunc itaque, quum jam diu inter feros vixit, mores eorum, si quis alius, perdidicisse, verisimile est. Ergo itaque praeter alia asseverabat mihi, feros scire contagionem venereum meris herbis facillimo negotio profligare, cuius rei multa ipse testis mihi narrabat experientia, in multis adhuc superstibus, facta, quorum quosdam usque adeo occupasset lues, ut cadaverum more foetebant aliis super alia ulceribus utrinque depasti. Nigritarum par, maritus uxorque, aequato morbo fere ad interencionem correpti, intra decem dierum spatium ita vires recuperarunt, ut muneribus suis ambo fungi possent, sensimque extra discribentur positi, sobolem vegetam procrearunt, ut missas faciam alias, hujusmodi narrationes perplurimas.

Jam hinc percontabar, an cuiquam notae haec herbae antivenereae essent, cumque nulli affimarent, rogabam Chiliarcham Johnson, experiretur, annon ipse eas explorare posset, utpote unus, qui apud feros meritorum vi valebat, indeque totum orbem litterarium in aere suo fore ajebam; a quo non abnuit, sed omnem operam in expiscanda medicina ista semet locaturum sposondit.

Hoc animo, ut incepta prospera essent futura, Chilarcham submonieham, (enim vero curatio morbi mulieribus praecipue commissa erat) vellet unam post alteram singulatim accersere, unique, nulla alterius conscientia, injungere, ut monstraret sibi herbas, quibus adversus memoratam Luem uti suessent, nec contentus esset, horabar, inspectione foliorum aut radicis, verum integrum herbam panderent.

Ne autem multus sim in praedicanda Illustris hujus viri in extricando arcano indefessa opera, ferosque illicendi studio, sufficiat dixisse, tres harum mulierum tandem protulisse eandem herbam, cum eadem narratione de medendi methodo. Erat praeterea vir quoque interferos, curatione dicti morbi per celebris, qui, quamquam radices ejusdem herbae producebat commendabatque, aliam tamen radicem magis laudabat, cuius usum ac vires ab avo suo didicerat, eandemque se multo malle, affirmabat.

Interea vero, quaenam potissimum erant hae herbae paucis expediam:

Sunt in America septentrionali quinque species Lobeliae, quarum Princeps adversus Luem venereum una est.

Mihi autem, dum densas silvas asperasque vias peragro, sarcinam librorum botanicorum mecum portare non licet, quin oportet ita res meas componere, ut, dum suppetat papyrus ad insternandas herbas, tantillumque chartae, atramenti et instrumentorum scriptio nis mihi sati esse patiar; nempe memor molis eundo indies crescentis. Itaque descriptane jam ante haec herba sit, nec satis scio, nec, si descripta est, quo nomine veniat, facile dixerim. En igitur illam descriptam, idque ita jam, ut in bibliotheca botanica appareat, utrum dudum delineata sit, nec ne. Cumque plerosque, Botanices gnos, Latinis termini-

terminis assesse norim, herbam hanc Latiali sermone
sistere placuit.

RADIX perennis, fibrosa: fibras plurimas albas, li-
neae crassitie, duorum digitorum longitudine plus minus,
glabras tanquam e centro emittens.

CAULIS simplex (interdum tamen ramos emittens),
erectus, diversae longitudinis, ab 1 ad 4 pedum longitu-
dinem, communiter tamen 1 ad 2 pedum longitudinem,
teres, glaberrimus, laevis, subnitidus, pallide viridis aut
interdum rubescens, praecipue versus inferiorem partem,
foliatus; folia usque ad spicam florum gerens.

FOLIA duplicis generis: Radicalia scilicet primo an-
no, Caulina vero anno secundo primum prodeuntia.

Folia Radicalia ovato-lanceolata, subacuta, crenato-
plicata, glaberrima, utrinque subnitida, obscure viridia
cum tinctura purpurei, in petiolos desinentia.

Folia Caulina per totum caulem sparsa ovato-lanceola-
ta, subacuminata, inaequaliter dentata, patentia, plura,
glaberrima, subnitida, in petiolos desinentia, ad margi-
nes puncta albida tantillum elevata sunt; quid, quod ipsi
denticuli ejusmodi puncta albida elevata gerant; nervi in
inferna folii superficie longitudinales elevati.

Rudimentum florum ad alas inferiores.

FLORES superiorem partem caulis occupant, pedun-
culis 2 vel $2\frac{1}{2}$ linearum longitudine insidentes; quivis flos
sedet ad alam folioli lanceolati, acuti, ferrati: ferraturis
subulatis.

Flores fere erecti, magni, caerulei, magnitudine vix
floribus Lobeliae, flos cardinalis alias dictae, cedentes.
Calycis laciniae lineares, acutae, longae, scilicet 5 ad
8 linearum longitudinem, marginibus prope basin retror-
sum flexis.

Reliqua floris sunt Lobeliae vide Characterem in Lin-
næi Gen. Plantarum.

Si fregeris herbam, succus lacteus undique destillat.
Nonnulli caulium grandiorum, farragine radicum gaudent,
instar radicum cespitis.

Folia caulina majora haud raro 4 seu 5 pollices longa
sunt, unumque cum dimidio lata. Inferiora caulina folia
lanceolato-ovata sunt ut plurimum.

Folia inferiora primum caule decedunt. Interdum
plures caules ex una radice enascuntur. Plantaeque ma-
jor caulis saepe diametri pollicis dimidii est.

Sero autumno folia maculis fuscis plena conspi-
ciuntur.

Efflorescit herba circa d. 21 Julii, seminaque matura
ad initium Septembbris colliguntur.

Locus natalis humidus submadidus, ad ripas amnium
et fluviorum, haberetque in vicinis *Eupatorium specie omnis*,
Lycopum, *Bidentem*, *Mimulum*, *Chelonem acadiensem*, *Hel-
xinen caule tetragono aculeato*, *Persicariam urentem* &c.

Gustum radicis parum abhorrentem a Tabaco sensi,
quippe qui diutius ori adhaeret et vomitum ciet.

Et haec quidem illa LOBELIA est, qua feri commu-
niter ac praecipue utuntur adversus Tabem Venereum. Cu-
raque perquam simplex est, uti horum hominum omnis,
et peragitur in hunc modum:

Sumunt radices herbarum quatuor, sex vel plurimum,
prout violentia morbi id exegerit, easque lavant. Alii re-
centes radices commendabant, alii vero siccatas malebant,
scilicet quibus supra tres annos siccatis usi sunt multi cum
insigni emolumento suo. Coquuntur deinceps radices in
vase quounque, parum enim refert horum hominum ubi
coquantur, quippe quibus, praeter cacabas ex orichalco
et aeneas, suppetant nulli ad elaboranda medicamenta sua.

Matutinis horis propinatur aegroto, decocti quantum
unquam placuerit, aut ipse potare possit, eodemque, per reli-
quum

quum diei pro potu ordinario, utetur, inde dum alvum ad hypercatharsin ciere coepit, ut saepe fit, extenuandum est decoctum, donec id recte ferre potuerit; quae dum aguntur, ab ebrietate omnino abstinentiam est. Potissimum autem tenuiori vietu vescatur, ac ipso quidem ex regno vegetabili defumto, tametsi carne quoque aegrotanti interdum ali liceat: Altero die, itemque tertio, pergit aeger eadem via decoctum non solum bibens, sed quotidie eodem etjam se totum, et praecipue partes laefas, lavans, continuabit diaetam isthanc per quatuordecim dies, aut septimanas tres, ex quibus morbum haud raro superatum experiri contingit.

Si aegrotus ulcerum plenus est, sub curatione ad eadem verrenda adhibetur Geum floribus nutantibus, fructu oblongo, seminum cauda molli plumosa. Linn. flor. Svec. 424. apud nos crescens locis humidis. Hujus radix exsiccata, pulverisata, inspergitur ulceribus depurandis. Et sicubi acciderit, ut, dum morbus altius aegrotum obsederit parum proficiat usu decocti Lobeliae, sumantur radices Ranunculi, foliis radicalibus reniformibus crenatis, caulinis digitatis, petiolatis. Gronov. fl. virgin. mundatas misces Lobeliae, coquis, decoctumque aegro propinas. In his tamen cavendum est, ne nimium hujus Ranunculi sumatur, quippe quo inflammatio intestinorum facile oriri posset. Decoctum hoc mirifice purgat vomitumque ciet et spem omnem successus aequat. Sin autem fortius fuerit, veneni naturam induit, haud aliter ac Radix Angelicae canadensis purpureae, quae acerbum illud toxicum est, quo uxores ferorum, a viris suis rejectae, se ipsas internecioni dare solent. Ac cui veneno, ne ulla quidem medicina, quin ipsa praesidia adversus Caudisoni morsus, antidotum non est.

Erat insuper alias virorum ferorum, curatione morbi venerei inclitus, ac cujus fidei in revelandis arcanis suis multum

multum tribuebat Chiliarcha Johnson, is, inquam, etiam si Lobeliae usum tantundem collaudabat, tamen majoris faciebat Radices CEANOTHI Linnaei, seu CELASTRI inermis, foliis ovatis, serratis, trinerviis. Linn. Hort. Cliff. 73. Grownov. flor. Virgin. 25. Decocto hujus, in modum Lobeliae parato, totam peragebat curationem suam. Decoctum isthac coloris rubri est, instar sanguinis. Si autem morbus nimis invaluerit, sumantur RADICES Rubi caule aculeato, foliis ternatis. Linn. flor. Svec. 410. illaeque prioribus misceantur.

Praeterea contingebat mihi nosse hominem, qui ante aliquot annos laboraverat hoc morbo haud procul ab discrimine vitae, at ope ferae cuiusdam mulieris perfecte restitutus. Is adhucdum servaverat manipulum radicum, cum foliis radicalibus, sibi tam salutarium, quas, dum inspexeram, omnes memoratae Lobeliae esse apparebat. Atque his herbis aequa insigne stupendaque curationes institutae sunt, ac unquam Mercurio, saltim cum eo discrimine, ut ferorum medendi ratio nunquam in periculum vitae aegrotum vocet. Sic enim nullum Americanum serum hae Lue obiisse unquam audies, nec suppetit ullum exemplum aegroti, quantumlibet hoc morbo depasti, sub curatione vita defuncti, neque ullum incuratum abiisse meminit quisquam: Tandem ex illis, qui dolenda vice, utramque sanandi viam, nempe Mercurio, aut hiscemet herbis reconvalescendi, experti sunt, affirmant curationem per herbas, alteri multo praestare.

Ego vero, quamquam sincere optavero, nunquam nobis Suecis opus esset Mercurio aut his herbis in propulsanda foedissima Lue; tamen mearum partium, quippe historici naturalis esse duxi, has herbas cum usu suo vulgare, qua in re, si quid mitius aut lenius protraxerim, quam hi forte vellent, qui pro nefando morbo, ad terrem

rem aliorum, omne remedium exesse juberent, juvabit tamen et in medium consoluisse, et, si, qui nulla culpa sua pestem hanc sibi contraxerint, vitae miserorum hominum adserenda, tollendoque malo, meliori mitiorive adminiculo providisse.

Porro Medicorum cura erit altius naturam et vires harum herbarum indagandi, emendandique usum earum et alia, quae inconditos Americanos adhuc forte lateant, utpote quorum Theoria Medica nec dum commendari possit, sufficiat autem mihi, ex ratione munera Historici naturalis, visa auditaque in medium vocasse.

Et sic tandem usum quarundam herbarum sistere licuit, primum quidem, ut fit, mihi nullius momenti, praeter delectationem Botanici curiosi, visum; Dein vero dum in mentem revoco eorum exprobationem, qui quondam me viderunt herbas colligentem, qua vires et usum, me et alias latentes, quaesiverunt: Cui bono? cumque eorum recordor, qui Naturae curiosos ludificantes ajebant, satis esse aliis negotiis impari, muscos et muscas legere; suppudivit mei homines, quippe qui in itineribus meis, auetaque experientia, meliora edocetus, intellexi, eam demum herbam, quam forte ut vilissimam saepe numero spreui, utilissimam pretiosissimamque fore. Quin didici, illam ut plurimum rem, herbam, puta, insectum etc. vilipendi, flocci naucique primum factam esse, quae, dum usum et virtutem suam probavit, fere omnem aestimationem longissime superaverit. Conf. anteced. N. 18.

39. LONICERA (*diervilla*) eodem auctore commendatur, ut efficax in Gonorrhœa et suppressione urinae, frequentaturque in America Boreali vid. Kalm. Relat. 40.

40. CHENOPODIUM (*anthelminticum*) semina communiter usurpantur adversus vermes apud Americanos Boreales, qui inde omni alio anthelmintico ultiro carent.

Semina lumbricos e corporibus infantum expellunt. Clæyt. virg.

145.

41. AGRIMONIA (*eupatoria*) Radix infusa apud Canadenses in usu est pro febribus calidis curandis.

42. GEUM (*rivale*) Radix aequa frequentatur in febribus intermittentibus, apud Americanos septentrionales, ac apud nos *cortex Chineae*, adeo ut parum de China solliciti, voti haud dubie compotes sint. Ceterum D. D. Bergius fidem mihi fecit, radicem hanc pulverisatam in Tertiana tantundam a se tentatam, successu non caruisse.

43. MONARDA (*mollis*) pari quoque modo subministratur in febribus intermittentibus in America septentrionali; eodem auctore. Adhibetur quoque pro stomachico in morbis epidemicis & contagionibus quibuslibet, vid. Kalm. Relation p. 87.

44. HAMAMELIS (*virginiana*) Decoctum corticis validum usum praestat in morbis Ophtalmicis. Auctor se vidisse ait, ferum quandam hac medela sanasse virum juvenem, cui lumen semestre plane ademtum erat. Kalm. Relat. p. 52.

45. IRIS (*versicolor*) Radix mirifice valet in ulceribus tibialibus, ut & in vulneribus recentibus. Kalm. Relat. p. 61.

46. MYRICA, (*cerifera*) Radix in dolore dentium usum suum probatum apud Americanos boreales. Kalm. relat. p. 90.

Praetereo hujusmodi alia, ne falcem in alienam messem intulisse videar, certo certius confidens, Auctorem nostrum Cl. D. Kalmium nihil omissurum, quo haec omnia niteant in Itenerario suo, quod fructuosissimis observationibus collustratum, propediem gratulabundi erimus visuri,

§. IO.

Hinc iam facile apparere putaverim, quam eximiis medica-

medicamentis America septentrionalis scateat, quantoque cum damno generis humani nos eadem ignoremus; quin incitemur ad eadem in Pharmacopoeas nostras invehenda, aut etiam in hortis nostris colenda, ut dum miseria id exegerit, habeamus, quo salvi simus. **Quid?** **Quod** condescimus nihil impedire, quo minus eadem obtineantur in aliis terris exoticis, quae in America usu venerunt, quippe, dum ibi locorum inquisiverimus, quibus incolae niantur remediis, simulque vegetabilia eorum, tantundem frequentata, innotuerint, abundabit genus humanum multo pluribus eximiisque remediis ingenti cum emolumento suo.

§. II.

Ex allatis, praecipuae hae commendandae erunt, quae in hortis nostris facillime coluntur, multoque efficaciores sunt recentes, quam quae ex peregrino solo diutius exsiccatae invehuntur; quarum quidem ARALIA nudicaulis et racemosa, utpote succedaneum sarsaparillae, semet mirifice probat. COLLINSONIA canadensis, quae se gustui tani singularis praebet, quaeque tantopere commendatur in *Colica lochiali*, aliquando a Medicis nostratis usu recepta, virium erit procul dubio haud spernendarum. LOBELIA siphilitica, quae tam stupendos edidit effectus in tenacissimo morbo illo, qui alias non nisi mercurialibus, eisque haud sine tormento, cedit, forte non negligetur a Medicis, si modo nomen Medici misericordis mitisve tutare cupiunt. Haec autem, ubi apud nos coletur, seminanda erit in solo sabuloso minus sicco. RUMEX britannica uti fere unica ad sananda ulcera antiqua cacheectica scorbuticorum sine periculo vitae, nunquam satis aestimanda erit, ex cuius affine vidimus effectum memorandum, videlicet *Rumice aquatico*, qui pari modo frequentari debet. SPIGELIA antihelmintica eo dignior est

quae ex Pharmacopoeis nostris deponuntur, quo plures
hi sint, qui verminibus saepe numero torquentur. Et licet
Pharmacopoeiae nostrae abundant medicamentis Anthel-
minticis, spe tamen lucidum in eisdem posita, fere sin-
guli cadimus ut plurimum. POLYGALA *senega* tanquam
specificum remedium in morsibus viperarum itemque in
morbis inflammatoriis, haud quaquam omittenda est,
dum tantae myriades hominum anno quovis apud nos
pleuritide et peripneumonia plectuntur. Anno MDCCLII
dum forte N. D. Praeses ex refrigeratione Peripneumo-
niam sibi contraxerat, sumebat hujus Radicis 3j pro dosi
ter in die, qua, intra biduum perfecte liberatus evasit.
Singularis hujus radicis sapor, qui acidus est et simul ca-
lidus, monere videtur, huic aliquid inesse, quod frustra
in aliis medicamentis simplicibus quaesiverimus. ACTEA
racemosa exhibet nobis medicamentum repellens, unde fa-
cile commonefacti simus acteam spicaram nostratem in lucis
nostris ubivis crescentem defectui hujus substitui posse.
PHYTOLACCA *americana* plantanda esset in omni horto
Pharmacopolarum, ut ingravescente morbo mortales tan-
tundem vexante, saltim aliquis e miseria eriperetur. GE-
UM *rivale* nobis tam familiare et domesticum plus ultra
tentandum esset, ut inopes emendae Chiae impares, ha-
berent aliquid sibi salutare: Ne dicam alia haud temere
contemnenda.

T A N T U M.

